

SAMÞYKKT

um breytingu á samþykkt um stjórn sveitarfélagsins Hrunamannahrepps, nr. 580/2013 með síðari breytingum.

1. gr.

40. gr. samþykktarinnar breytist og verður svohljóðandi:

40. gr.

Fastanefndir, aðrar nefndir, stjórnir og ráð sem sveitarfélagið á aðild að.

Kjörstjórnir við sveitarstjórnar- og alþingiskosningar. Kjósa skal þrjá aðalmenn og jafnmarga til vara skv. 14. gr. laga um kosningar til sveitarstjórna nr. 5/1998 og skv. 10. gr. laga um kosningar til Alþingis nr. 24/2000. Sveitarstjórn skipar formann nefndarinnar. Kjörstjórnir fara með þau verkefni sem þeim eru falin samkvæmt ákvæðum laga um kosningar til sveitarstjórna og laga um kosningar til Alþingis.

Skólanefnd. Þrír aðalmenn og jafnmargir til vara skv. 6. gr. laga um grunnskóla nr. 91/2008 og 4. gr. laga um leikskóla nr. 90/2008. Samstarf er með Skeiða- og Gnúpverjahreppi varðandi grunnskólann og tilnefna þeir tvo fulltrúa að auki í nefndina sem sitja fundi nefndarinnar þegar þau málefni eru til umfjöllunar.

Landbúnaðarnefnd. Þrír aðalmenn og jafnmargir til vara. Nefndin fer með stjórn fjallskilamála í fjallskiladeild Hrunamannahrepps í umboði sveitarstjórnar, sbr. ákvæði laga um afréttamálefni, fjallskil o.fl. nr. 6/1986 og fjallskilareglugerð og önnur landbúnaðarmál.

Umhverfisnefnd. Sveitarstjórn kýs þrjá aðalmenn og jafnmarga til vara. Nefndin fjallar um og gerir tillögur til sveitarstjórnar um umhverfismál. Þá fer nefndin jafnframt með málefni gróðurverndar skv. 19. gr. laga um landgræðslu nr. 17/1965 og hlutverk náttúruverndarnefndar skv. 14. gr. laga um náttúruvernd nr. 60/2013.

Húsnæðisnefnd. Sveitarstjórn fer með verkefni húsnæðisnefndar skv. 6. gr. laga um húsnæðismál nr. 44/1998.

Veitustjórn. Fimm aðalmenn og þrír til vara. Veitustjórn fer með stjórn vatns- og fráveitu sveitarfélagsins, ljósleiðarafélagsins Hrunaljóss og stjórn Hitaveitu Flúða í umboði sveitarstjórnar í samræmi m.a. við lög um vatnsveitur sveitarfélaga nr. 32/2004, orkulög nr. 58/1967, lög nr. 9/2009 um uppbyggingu og rekstur fráveitna og lög nr. 81/2003 um fjarskipti.

Umferðarnefnd. Sveitarstjórn fer með verkefni umferðarnefndar, sbr. heimild í 2. mgr. 116. gr. umferðarlaga nr. 50/1987.

Atvinnu-, ferða- og menningarnefnd. Þrír aðalmenn og þrír til vara. Nefndin fjallar um og gerir tillögur til sveitarstjórnar um atvinnu-, ferða- og menningarmál í Hrunamannahreppi. Þá fer nefndin með verkefni almenningsbókasafns skv. 8. gr. bókasafnalaga nr. 150/2012 og kemur að skipulagningu á viðburðum í Hrunamannahreppi.

Lýðheilsu- og æskulýðsnefnd. Þrír aðalmenn og þrír til vara. Nefndin fer með lýðheilsu, æskulýðs- og íþróttamál og málefni félagsmiðstöðvarinnar. Samstarf er með Skeiða- og Gnúpverjahreppi varðandi málefni félagsmiðstöðvarinnar og tilnefna þeir einn fulltrúa að auki í nefndina sem situr fundi nefndarinnar þegar þau málefni eru til umfjöllunar.

Ungmennaráð. Fimm aðalmenn og fimm til vara skipaðir árlega. Nemendaráð Flúðaskóla tilnefnir einn fulltrúa og einn til vara, Zero-nefnd félagsmiðstöðvarinnar tilnefnir einn fulltrúa og einn til vara og lýðheilsu- og æskulýðsnefnd tilnefnir þrjá og þrjá til vara. Ungmennaráðið er ráðgefandi um málefni sem tengjast ungu fólki á aldrinum 14-20 ára í Hrunamannahreppi.

Öldungaráð. Ráðið er skipað fimm fulltrúum. Félag eldri borgara í Hrunamannahreppi tilnefnir þrjá fulltrúa og sveitarstjórn tvo. Ráðið vinnur að málefnum aldraðra í Hrunamannahreppi skv. lögum um málefni aldraðra nr. 125/1999.

Stjórnir og samstarfsnefndir.

Skóla- og velferðarþjónusta Árneshöfna bs. Sveitarfélagið Ölfus, Hveragerðisbær, Hrunamannahreppur, Bláskógabyggð, Grímsnes- og Grafningshreppur, Skeiða- og Gnúpverjahreppur og Flóa-

hreppur reka byggðasamlag um sameiginlega skóla- og velferðarþjónustu í sveitarfélögunum skv. sérstökum samþykktum.

Sveitarstjórn Hrunamannahrepps kýs einn fulltrúa og annan til vara til setu í stjórn byggðasamlagsins, nefnd sveitarstjóra og oddvita (NOS).

Fulltrúi Hrunamannahrepps í stjórn NOS hefur umboð til að taka þátt í skipun í sjö manna sameiginlega skólaþjónustu- og velferðarnefnd á starfssvæði skóla- og félagsþjónustu sveitarfélaganna í samræmi við ákvæði samþykktu byggðasamlagsins og á grundvelli 7. gr. laga nr. 40/1991 um félagsþjónustu sveitarfélaga, 21. gr. laga nr. 90/2008 um leikskóla og 40. gr. laga nr. 91/2008 um grunnskóla. Skóla- og velferðarþjónustusvæðið heitir Skóla- og velferðarþjónusta Árnesþings og nefndin *skólaþjónustu- og velferðarnefnd Árnesþings*.

Fulltrúar í skólaþjónustu- og velferðarnefnd Árnesþings eru sjö auk jafnmargra varamanna og koma þeir úr Sveitarfélaginu Ölfusi, Hveragerðisbæ, Hrunamannahreppi, Bláskógabyggð, Skeiða- og Gnúpverjahreppi, Grímsnes- og Grafningshreppi og Flóahreppi.

Skólaþjónustu- og velferðarnefnd Árnesþings fer með stjórn sérfræðiþjónustu leik- og grunnskóla og félagsþjónustu sveitarfélagsins skv. lögum um leikskóla nr. 90/2008, lögum um grunnskóla nr. 91/2008, félagsþjónustu sveitarfélaga nr. 40/1991, málefni aldraðra skv. lögum nr. 125/1999 og málefni fatlaðs fólks skv. lögum nr. 38/2018. Þá skipar nefndin fulltrúa í þjónustuhóp um málefni aldraðra skv. 7. gr. laga nr. 125/1999 sem verður fulltrúi allra sveitarfélaganna sem að nefndinni standa, fer með áfengisvarnir skv. lögum nr. 75/1998 og barnaverndarmál skv. barnaverndarlögum nr. 80/2002. Nefndin fer með önnur málefni skv. erindisbréfi sem henni er sett.

Framsals- og valdheimildir til skólaþjónustu- og velferðarnefndar Árnesþings, stjórnar byggðasamlagsins og forstöðumanns byggðasamlagsins fara eftir ákvæðum samþykktu byggðasamlagsins, erindisbréfum og starfslýsingum.

Bergrisinn bs. Sveitarfélagið Ölfus, Hveragerðisbær, Hrunamannahreppur, Bláskógabyggð, Grímsnes- og Grafningshreppur, Skeiða- og Gnúpverjahreppur, Flóahreppur, Sveitarfélagið Árborg, Ásahreppur, Rangárþing ytra, Rangárþing eystra, Mýrdalshreppur og Skaftárhreppur reka byggðasamlag um málefni fatlaðs fólks á Suðurlandi skv. sérstökum samþykktum. Sveitarfélögin mynda sameiginlegt þjónustusvæði á Suðurlandi um þjónustu við fatlaða í samræmi við lög nr. 38/2018 um málefni fatlaðs fólks. Stjórn þjónustusvæðisins er skipuð þremur fulltrúum, þ.e. einum frá hverju félagsþjónustusvæði. Stjórn Skóla- og velferðarþjónustu Árnesþings bs. (NOS) skipar einn fulltrúa í stjórn þjónustusvæðisins og annan til vara. Framkvæmd þjónustusamningsins er í höndum þriggja manna þjónusturáðs og skipar NOS einn fulltrúa í þjónusturáðið sem skal vera forstöðumaður Skóla- og velferðarþjónustu Árnesþings bs.

Aðalfundur Bergrisans bs. Þrjú fulltrúar og þrjú til vara.

Skipulagsnefnd uppsveita. Ásahreppur, Bláskógabyggð, Flóahreppur, Grímsnes- og Grafningshreppur, Hrunamannahreppur og Skeiða- og Gnúpverjahreppur skipa sameiginlega sex manna skipulagsnefnd uppsveita skv. sérstökum samningi þar að lútandi. Hrunamannahreppur skipar einn aðalmann og annan til vara í nefndina.

Nefndin fer með skipulagsmál skv. 6. gr. skipulagslaga nr. 123/2010 og byggingarmál skv. 7. gr. laga um mannvirki nr. 160/2010.

Umhverfis- og tæknisvið uppsveita bs. Byggðarsamlag Ásahrepps, Bláskógabyggðar, Flóahrepps, Grímsnes- og Grafningshrepps, Hrunamannahrepps og Skeiða- og Gnúpverjahrepps fer með stjórn embættis Skiplagsfulltrúa uppsveita bs. skv. sérstökum samningi. Hrunamannahreppur skipar einn aðalmann og annan til vara í stjórnina.

Framsals- og valdheimildir til skipulagsnefndar uppsveita og skipulags- og byggingarfulltrúa byggðasamlagsins fara eftir ákvæðum samnings og samþykktu fyrir Umhverfis- og tæknisvið uppsveita bs.

Héraðsnefnd Árnesinga bs. Héraðsnefnd Árnesinga starfar samkvæmt sérstökum samningi milli allra sveitarfélaganna í Árnessýslu. Nefndin fer m.a. með málefni Eignarhaldsfélags Brunabótafélags Íslands, Brunavarna Árnessýslu, Almannavarna Árnessýslu, Listasafns Árnesinga, Byggðasafns Árnesinga, Tónlistarskóla Árnesinga og Héraðsskjalasafns Árnesinga. Hrunamannahreppur skipar einn aðalmann og annan til vara í fulltrúaráð. Þá getur sveitarstjórn skipað að auki einn áheyrnarfulltrúa úr hópi minnihluta sveitarstjórnar í fulltrúaráðið og annan til vara.

Jafnréttisnefnd. Sveitarstjórn fer með málefni sem varða jafnrétti skv. lögum um jafna stöðu og jafnan rétt kvenna og karla nr. 10/2008.

Almannavarnanefnd Árnessýslu. Sveitarstjórn skipar einn aðalman og annan til vara skv. 9. gr. laga um almannavarnir nr. 82/2008 í sameiginlega almannavarnanefnd í Árnessýslu.

Landgræðslufélag Hrunamanna. Sveitarstjórn skipar einn aðalman og annan til vara.

Oddvitanefnd uppsveita Árnessýslu. Sveitarstjórn skipar einn aðalman og annan til vara.

Landsþing Sambands íslenskra sveitarfélaga. Einn fulltrúi og einn til vara.

Aðalfundur SASS. Þrjú fulltrúar og þrjú til vara.

Aðalfundur Heilbrigðiseftirlits Suðurlands. Þrjú fulltrúar og þrjú til vara.

Aðalfundur Sorpstöðvar Suðurlands. Einn fulltrúi og einn til vara.

Aðalfundur Eignarhaldsfélags Suðurlands. Einn fulltrúi og einn til vara.

2. gr.

Gildistaka.

Samþykkt þessi sem sveitarstjórn Hrunamannahrepps hefur sett skv. 9. gr. sveitarstjórnarlaga nr. 138/2011, staðfestist hér með til að öðlast þegar gildi.

Samgöngu- og sveitarstjórnarráðuneytinu, 17. október 2018.

F. h. r.

Hermann Sæmundsson.

Stefanía Traustadóttir.